



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Expositio Cavsarvm Quibus S. R. M. Sveciae bellum à  
Rege Regnoque Daniae sibi illatum, etiam post Pacem  
Roschildiae initam, continuare coacta fuit**

**Coyet, Peter Julius**

**[S.l.], 1658**

Lit. QQ. Civium Norcopiensium literae supplices ad S. R. M. Sueciae.

**urn:nbn:de:hbz:466:1-10534**

Die 1. Maji Broderus Jullis rector navis ad rationes Michaelis Ridderi Civis & Mercatoris Rigenſis ſolvere coactus eſt veſtigal de 110. laſtis Salis Hiſpanici. Eodem die Heringius Heringii ad rationes Gerhardi Hollmes pro quinque doliis majoribus vini Rhenani veſtigal ſolvit. Idem fecere eadem die Michael Ridder & Dietericus de Santen, ambo Cives & incolæ Rigenſes, quorum ille pro variis aromatum ſpeciebus, hic verò pro viginti doliis majoribus vini Rhenani veſtigal pendit.

*Etha pecunia non fuerunt reſtituta.*

Inſuper quam ſæpiſſimè Telonariis Orefundanis objectum fuit, quod ejuſmodi facinoribus nuper Roſchildiæ inita pacta graviter violarent. Sed aliud reſponſum ab iis obtineri nunquam potuit, præterquam quod dicerent, ſe ſolummodo Bromſebrøenſia, non verò Roſchildenſia pacta noſſe. Quanquam nec illis, quod ad allegatos caſus attinet, ſe obſequentes præbuerint.

Lit. Q. Q.

## Civium Norcopienſium literæ ſupplices ad S. R. M. Sueciæ.

**S**ereniſſime ac Potentiſſime Rex, Domine clementiſſime, R. V. M. humil-  
limas & devotiſſimas agimus gratias pro clementiſſimis literis ad Dominos  
Legatos in noſtrum favorem ſcriptis, præſertim cum negotium noſtrum,  
ut jam dum animadvertere licuit, ſtatim omnino aliam faciem induerit, &  
nunc magis æſtimetur ac obſervetur, quam ſi noſtro tantum nomine ageretur.  
Sed quousque eâ in re progreſſum fuerit, nulli dubitamus quia R. M. Veſtræ heic  
commorantes Domini Legati debita ſubmiſſione ſignificaverint. Quoniam au-  
tem ex circumſtantiis rerum, ut & communi fama, quæ heic propterea ſpargitur,  
conſpicere licet, tam Magiſtratum Danicum, quam exercitores navis prædatoriæ &  
eorum ſocios à jure patrio nolle diſcedere: Et nos cum quibusdam illorum jam  
dum in curia, & eorum tribunali fuerimus, ubi qui judicis perſonam referebat, pri-  
mùm ſchedas ſeu chartas aliquas in faciem nobis conjiciebat, ut neſciremus, utrum  
etiam compactis libris, qui in menſa jacebant, & aliis quæ furor ipſi miniſtrare po-  
terat, eodem modo nos petere & excipere vellet; poſtmodum mendacii argueba-  
mur, verbiſq; injuriſis ac contumeliſis traducebamur: Ulque ſatis exinde appa-  
ret, nec in poſterum, vigore juris patrii Danorum, melius nobiſcum actum iri. Ut  
ſilentio nunc prætereamus, adverſarios noſtros arma mortifera & ſicas circumferre,  
quibus utrum nunc, an poſt diſceſſum Dominorum Legatorum Nos aggreſſuri ſint,  
illud verò adhuc in incerto eſt. Dicitur etiam jus Danicum tantæ efficaciæ eſſe, ut  
nemini factum aliquod injungatur & a judicetur, niſi per acta & probata: & quam  
diu teſtimonia nos deſtituunt, quibus facimus ab ipſis admiſſum præciſè & ad un-  
guem demonſtrare poſſumus, tam diu contra Nos excipiunt, quod juri ſe nolint  
ſubjicere, quippe cuius vigore, licet de facto ipſo ſatis clariſſimè conſtet, ſi juxta re-  
quiſitæ

quisita juris probatum non fuerit, nihil obtineri queat. Nos verò sumus homines simplices, vix juris patrii, nedum Danici gnari; nec conditio nostra in quam redacti sumus, patitur, ut Procuratori cuidam, licet heic qui nobis operam suam locare vellet, reperiri posset, (de quo tamen valde dubitamus) causam nostram agendam committamus. Nam navis nostra una cum exiguis facultatibus nostris nobis est erepta; & insuper multum impensarum heic fecimus, præter ingentem rei familiaris jacturam, quam ob nostram à patria absentiam patimur, ut è paupertate eluctari nunquam valeamus. Nec R. M. V. graves esse, ejusque auxilium in hoc negotio implorare volumus, nisi summa nos necessitas eò adigat, & tunc demum, quando Domini Legati restitutionem rerum nobis ablatarum obtinere nequeverint. Jus verò nostrum juxta stylum for. Danici persequi velle, ad id sane nec majorum nec posterorum nostrorum facultates omnes atque opes sufficient. Primarius exercitor navis prædatoriz causæ huc se subtrahere, & culpam omnem vel in Capitaneum navis jam mortuum, vel in alios complices tenuioris fortunæ conicere conatur, cum tamen neque Commissionem Regis Daniæ, quantum nobis quidem innotuit, habuerint, nec teneantur parere ejusmodi Commissioni Polonicæ, nisi Regis Daniæ consensus & confirmatio accedat heic in mari Balthico &c. Et nisi vel certam pecuniæ summam, vel ipsas merces ac bona nobis ablata in natura, vel bonas quasdam naves ex earum numero, quas nostri in Jutia & Fionia occuparunt, acceperimus, eo ipso sine omni dubio ad incitas jam dum redacti sumus, & V. R. M. vectigalia, aliique hujus generis redditus ex inde minuentur, &c. Nec persuademus nobis, Danos bona quædam per publicæ pacis violationem ablata, vigore legum privatarum sibi adjudicare posse. Quapropter ad R. M. V. nos miserè confugimus, summa devotione precantes, ne R. M. V. permittere velit, ut supra dicti Dani per pacis publicæ & commerciorum violationem & turbationem se ac divitias suas è tenuibus & privatis facultatibus nostris amplificent ac in majus augeant; quin potius tantum nobis minimum indulgeatur, ut bona nostra, qua sine omni nostra culpa pacis tempore nobis erepta sunt restituantur, siquidem damnorum & impensarum, quod tamen serè dolendum, compensatione beari non poterimus. R. V. M. auxilium devotissimi expectamus, Eandem &c. Hafniæ, die 13 Junii, Anno 1658.

Oluff Töressen. Peter Ingemundson.  
Lit. RR.

## Articulus Recessus Additivi de restitutione navis Norcopiensis.

**S**imiliter de omnibus aliis navibus & mercibus, quæ S. R. M. Sveciæ subditæ sunt propriæ, & à Danis ante nuperi belli declarationem seu denunciationem captæ & in portus deductæ fuerunt, conventum invicè & promissum est, ut  
omnes